


欽定古今圖書集成/博物彙編/藝術典/第 450卷



以2025年1月13日从维基文库导出



欽定古今圖書集成博物彙編藝術典

第四百五十卷目錄

醫部彙考四百三十

小兒驚癇門六

方二 利痰丸 安神丸 神鬼丹 導赤散 五色丸 定喘湯

青州白丸子 調元

湯 黃芪湯 益黃散 補陽湯 琥珀抱龍丸 抱龍
丸 涼驚丸 至聖保命丹 神芎

丸 玉液丸 參苓白朮散 辰砂膏 當歸茱萸湯
五福丸 千金小驚丸 千金保命

丹 乳黃散 全蠍散 久癇方 擬定治驚癇諸方
又 又 安神鎮驚丸 地黃丸

嚏關散 開關如聖散 省風湯 珍珠丸 七寶洗心
散 寬熱散 天麻防風丸 龍齒

散 防風通聖散 大連翹湯 琥珀散 調氣散 桂
枝湯 葛根湯 蟬蠍散 神寶既

濟丹 來復丹 王氏惺惺散 醒脾散 大醒脾散
星香散 定命飲 四聖散 天南

星丸 靈脂丸 七珍丸 四君子湯 川烏散 金液
丹 生附四君子湯 蠟附散 白

殭蠶丸 七寶妙砂丹 防風丹 枳殼散 蘆薈散
牛黃涼膈丸 青金丹 王監京墨

丸 揭風湯 靈脂硃砂膏 柴胡加大黃湯 生氣散
茯苓二陳湯 天麻蘇合香丸

參苓白朮散 鎮心丸 星蘇散 五癩丸 薄荷散
養生必用蛇黃丸 散風散 日應

丹 全蠍五癩丸 星硃散 開牙散 青龍丸 至寶
丹 神妙奪命丹 防風導赤散

蟬蛻釣藤飲 寬熱飲 七寶洗心散 安神丸 釣藤
膏 魏香散 釣藤飲 保命丸

乳香丸 木香丸 小續命湯 桂枝加葛根湯 人參
敗毒散 小柴胡湯 大承氣湯

大柴胡湯

藝術典第四百五十卷

醫部彙考四百三十 醫部彙考 四百三十

小兒驚癇門六 小兒驚癇門六

方二 方二

利痰丸 幼科全書下同 利痰丸 〈幼科全書下同〉

牛膽 南星 枳殼去核 陳皮去白，各一錢 大黃五錢
牽牛頭末，二錢

共為細末，皂角煮水，燈心煎湯吞。

安神丸 安神丸

黃連去根鬚 石菖蒲 遠志去心 當歸身 麥門冬去心
山梔仁炒，各二錢 茯神八錢

共為末。粟米糊和豬心血為丸。硃砂為衣。燈心湯下。

神鬼丹 神鬼丹

雄黃、 《桑寄生》、 天竺黃、 釣藤鉤各三錢

全蠍去足 牛膽 南星 梧桐淚 殭蠶炒 硃砂各二錢
珍珠 牛黃 琥珀各一錢。

冰片少許。

右為末，用粟米粉糊為餅，金箔為衣，薄荷、燈心、竹葉湯送下。

導赤散導赤散

牛黃 木通 甘草梢 麥門冬去心 山梔仁 竹葉七片。

右，水煎服。瀉心火之藥也。

發散加防風薄荷

五色丸五色丸

黃芩、 黃連各二錢， 大黃三錢。

「不用顏色，是三黃丸」，加顏色，名「五色丸」，共為細末，分作五分，滴水為丸。一分青黛為衣，名青丸；一分硃砂為衣，名「紅」丸；一分雄黃為衣，名黃丸；一分皂角燒灰存性為衣，名「黑丸。」

定喘湯定喘湯

陳皮 南星炮 梔仁 軟石膏 杏仁泥。

薄荷葉、 赤茯苓。

右水煎入竹瀝

青州白丸子青州白丸子

治小兒驚風

半夏炮 川烏、 白附子各五兩 南星三兩

右為細末，以「生絹袋盛，用井水擺盡為度，放磁器內日曬夜露，一日一換水，必攪數轉，候如玉片，再研細。」又用青蒙石一錢另研細，以焰硝五分，同石末入銅鍋內，火煅通紅，硝盡為度，放冷，入上藥和勻，以糯米為丸，以薄荷入蜜送下，其痰自墜。

調元湯調元湯

《內經》云：熱淫于內，以甘瀉之，以酸收之，此之謂也。

黃芪一錢， 人參、 白芍各五分， 炙草二分半。

右水煎服

黃芪湯 蘭室秘藏下同 黃芪湯〈蘭室秘藏下同〉

治慢驚大便瀉青色，此肝木剋脾土，先實其土，後瀉其木，是為神治之法。

黃芪二錢， 人參一錢， 炙草五分。

右咬咀，作一服，水一大盞，煎至半盞，去粗，食遠服。加白芍藥尤妙。

此三味皆甘溫，能補元氣，甘能瀉火，《內經》云：「熱淫」

于內。以甘瀉之。以酸收之。白芍藥酸寒。寒能瀉火。酸味能瀉肝。而大補肺金。所補得金土之位大旺。火虛風木何由而來。剋土然後瀉風之邪。

夫益黃散、理中丸、養神丸之類，皆治脾胃寒濕大盛，神品之藥也。若得脾胃中伏熱，勞役不足之證，及服熱藥巴豆等之類，胃虛而成慢驚之證，用之必傷人命。夫慢驚風者，皆由久瀉脾胃虛而生也。錢氏以羌活膏療慢驚風，悞矣。脾虛者，由火邪乘其土位，故曰「從後來者為虛邪。」火旺能實其木，木旺故來剋土。當於心經中以甘溫補土之源。更於脾土中瀉火以甘寒。於脾土中補金以酸涼。致脾土中金旺火衰。風木自虛矣。損食多進藥自愈。前藥是也。

益黃散益黃散

治胃中風熱

黃芪二錢， 陳皮、 人參各一錢， 芍藥七分， 生甘草、 熟甘草各五分， 黃連少許。

右共為細末，每服二錢，水一盞，煎至五分，食前服。一方加白茯苓。

補陽湯補陽湯

時初冬一小兒二歲大寒證「《明堂》青脈，額上青黑，腦後青絡高起，舌上白滑，喉鳴而喘，大便微青，耳尖冷，目中常常淚下仍多，胸中不利，臥而多驚，無搖則寒。」

吳茱萸 生地黃、 地龍各五分， 黃蘗 橘皮、 葛根、 連翹、 蠍梢、 炙甘草各一分 升麻、 黃芪 柴胡各二分 當歸身 麻黃各三分

右咬咀，都作一服，水一大盞半，煎至六分，去粗，乳食後熱服。服藥之後，添喜笑，精神出，氣和順，乳食旺。

琥珀抱龍丸 萬氏育嬰家祕下同 琥珀抱龍丸 〈萬氏育嬰家祕下同〉

理「小兒諸驚，四時感冒風寒溫痰，邪熱至，煩躁不寧，痰嗽氣急，及瘡疹欲出發搐，並宜服之。」

真琥珀 天竺黃 檀香細剉 人參去蘆。

白茯苓去皮，各一兩半 生粉草三兩，去節

枳殼麩炒 枳實俱水浸去穰炒微黃，各一兩 山藥去黑皮一斤，剉作小塊，慢火炒令熱透冷用 南星一兩，剉碎，用臘月雄黃牛膽釀經一夏

硃砂五兩，先以磁石引去鐵屑，次用水乳鉢內細杵，取浮者飛過，淨器內澄清，去上餘水，如此法一般精製。見硃砂淨盡，曬乾用。

取見成藥末一兩，同金箔百片，在乳鉢內研極細，仍將前末共一處和勻，取新汲井水為丸，如豌豆樣大粒，陰乾，每服用薄荷湯化下。

「琥珀抱龍丸」，內用補益之藥，人皆喜而用之。然有枳殼、枳實二味，能散滯氣，無滯氣者能損胸中至高之氣。如慢驚及元氣弱者，減去此二味，可用當歸、川芎各二兩以代之。然琥珀、天竺黃二味，須擇真者。

王肯堂曰：「前十二味，除硃砂、金箔不入碾內，餘十味檀香不過火外，九味或曬或焙，同研為末和勻。硃砂、金箔，每一兩重，取新汲井水一兩重，入乳鉢內略杵勻，隨手丸如雞頭子大，陰乾，晴霽略曬日色，燥甚則拆裂，宜頓放當風處，取其自乾。治法並用蔥湯無時化服，或薄荷湯。痰壅嗽甚，淡薑湯下。痘瘡見形有驚」，溫淨湯下。心悸不安，燈草湯下。暑天悶迷，麥門冬熟水下。百日內嬰兒，每丸作三次投。二歲已上者，止一丸或二丸。其品劑修合之時，但缺一味，不依製度，必無效矣。常用瓦瓶入麝香同收，毋使散泄氣味，入珍珠末一兩合和，名金珠散。珍珠能鎮心寧肝，墜痰尤效。治法湯使同前。又曰：

「抱龍」之義，抱者保也；龍者肝也。肝應東方青龍木，木生火，所謂生我者，父母也。肝為母，心為子，母安則子安。心藏神，肝藏魂，神魂既定，驚從何生。故曰：「抱龍丸。」理小兒諸驚，四時感冒風寒溫疫邪熱，致煩躁不寧，痰嗽氣急，及瘡疹欲出發搐，並宜可投。其藥性溫平，不僭不燥，常服祛風化痰，鎮心解熱，和脾胃，益精神。

抱龍丸抱龍丸

抱者，養也。龍者，純陽之物。蓋《震》為龍，東方乙木也，為少陽之氣，時至乎春，乃萬物發生之始氣也。乙者，肝木也。肝為風木，初生小兒純陽無陰，龍之象也。肝為有餘，少陽之氣壯也。肝主風，小兒病則有熱，熱則生風。上醫慮之，製此方以平肝木，防驚風，此抱龍之名義也。小兒必用此藥，所以養其陰而濟之，令不太過也。又青龍位肝木，屬之小兒肝常有餘，肺常不足，故以此藥抑肝扶脾，乃名「抱龍。」治形實壯熱，昏睡氣粗，或痰壅嗽，驚風搐搦。

天竺黃 辰砂各一錢 牛黃二分 麝香半分 珍珠 琥珀
白檀香 枳殼 枳實各三分 牛膽星五錢，臘月取牛膽一箇，將南星去皮臍，研為末，放于膽中，陰乾備用。

共為末，山藥打糊為丸，如黃豆大，金箔為衣。潮熱燈心湯化下。

驚風薄荷湯下

咳嗽滾白水下

涼驚丸 **片玉心書下同** **涼驚丸** 〈**片玉心書下同**〉

退五臟熱，泄心肝火，治急驚，解胎毒。如小便黃，大便祕，丹毒斑疹，衄血，口瘡，併皆治之。

黃連泄心火， 黃芩泄肺火， 山梔仁泄肝火， 黃蘗各五錢泄腎火， 龍膽草三錢泄膽火。

大黃泄脾胃火， 雄黃解毒、 辰砂鎮心。各二錢。

右為末，水糊丸如粟米大，竹葉、燈心湯下。

急驚，薄荷湯、燈心湯下。

胎熱竹葉燈心湯下

衄血茅根湯下

丹毒斑疹升麻湯下

口瘡水竹葉薄荷湯下

至聖保命丹至聖保命丹

治急驚風，夜啼。常服清心安神。

全蠍十四箇 麝香半分，另研， 辰砂水飛

天麻 膽星 防風 殭蠶炒 白附炮，各一錢 蟬蛻去翅足 史君子肉煨 珍珠各五分

金箔四十張。

共為末，粟米粉糊和勻，印成錠子，薄荷湯磨服。驚風，薄荷燈心湯下。

夜啼，燈心燒灰，溫水化下。

神芎丸神芎丸

治小兒上焦積熱，驚風壅滯，頭目赤腫，咽閉，大小便赤澀，及痰喘之證，併皆治之。

大黃酒蒸乾 黃芩各一錢 黑牽牛頭末

滑石各四錢， 黃連、 川芎、 薄荷各五錢。

共為末，滴水為丸，如粟米大，竹葉湯下。

玉液丸玉液丸

治風壅。化痰利膈。清頭目煩熱。除咳嗽。

寒水石煨，水飛，二兩 半夏製，一兩 枯礬五錢

共為末，米糊丸，如粟米大，薑湯下。

感風寒咳嗽。桑白皮湯下。

咳血茅根湯下

常咳茶湯下

咳而吐煨薑湯下

參苓白朮散 **萬氏幼科發揮下同** **參苓白朮散**
〈萬氏幼科發揮下同〉

人參、 白朮、 白茯苓、 山藥，各一兩五錢。

扁豆去殼，薑汁浸炒 甘草 桔梗 薏苡仁 蓮肉各一兩

為細末棗湯送下

辰砂膏辰砂膏

下小兒痰甚妙，治驚熱、驚積。

辰砂研水飛，三錢 硼砂 馬牙硝各錢半

元明粉二錢 全蠍去毒 珍珠研，各一錢

麝香一字。

右另為末和勻，好油單紙包起，自然成膏，每用一粒許，月內調塗乳頭令吮。

狂躁惡叫。生地黃自然汁調下。

諸驚薄荷湯調下

胎驚：豬乳汁和棗湯下。

潮熱生甘草湯下

當歸茺莢湯當歸茺莢湯

治內釣

當歸 吳茺莢泡焙乾 小茴香炒 甘草 木香

右水煎服

五福丸 本草綱目 五福丸〈本草綱目〉

治小兒急驚

生蚯蚓一條，研爛，入「《五福》化毒丹一丸同研。」

以薄荷湯少許化下

《普濟方》云：「梁國材言，洋州進士李彥直家專貨此藥，一服千金，以糊十口。梁傳其方，親試屢驗，不可不筆於冊，以救嬰兒。」

千金小驚丸千金小驚丸

治小兒驚，大小便秘，釣氣。

鬱金皂角水洗煮 黃連 牙硝 木香 膽草 藿香各五分
全蠍六箇，去毒

末之，麵糊丸，用雄黃、硃砂、麝香、金箔為衣。

鎮驚薄荷燈心湯下

大便祕，枳殼、大黃、 硝，煎湯化服。釣氣，釣藤
湯下。量兒大小用。

千金保命丹千金保命丹

治小兒一切痰喘，急慢驚風，撮口臍風，但能開口灌
下，無不活者。

牛黃 冰片、 琥珀另研，各一錢 甘草二分 黃連薑汁
炒 全蠍、 殭蠶各三分 硃砂

明天麻麵裹煨 膽星各四分

共為細末，磁罐蠟封，勿令出氣。每五七釐，薄荷、
燈心、金銀煎湯，不拘時溫服。

乳黃散乳黃散

治小兒大釣，壯熱翻眼，手足搐掣，皆因痰滯經絡，
頭目反仰，名曰「天釣。」由乳母過食，熱物蘊毒，
兼挾風邪所致，但解利風熱，則應手而愈。

滴乳一錢，另研 天竺黃一錢半 雌黃另研 臘茶 枯礬
各一錢 炙甘草 荊芥穗炒

菽豆一百粒，半生半炒 赤腳蜈蚣一條，酒浸，炙

細末之，每服半錢，煎人參薄荷湯調下。

全蠍散全蠍散

治小兒天釣潮熱

釣藤 人參各半分 全蠍、 天麻各一分 犀、甘草
炙，各半分

末之，每服一錢半，水半鍾，煎五分，溫服。

久痢方 醫貫方 久痢方〈醫貫方〉

治小兒積痢

陳皮、 黃連、 白朮各五分， 半夏、 膽星

黃芩 棗仁 遠志去心，各六分 白茯苓

麥冬各八分， 甘草、 枳實、 柴胡、 薄荷

乾葛、 元參各三分。

右，水二鍾煎，加薑汁三匙，不拘時服。其《南星製法》，「臘月八日取牛膽一箇，將南星打碎，即以膽

汁拌勻，復入膽內，扎口懸風處陰乾。用水二鍾煎，加薑汁三匙，不拘時服。」

擬定治驚癇諸方 **明醫雜著下同** 擬定治驚癇諸方〈明醫雜著下同〉

治「小兒肝經火旺，目睛頻動，痰氣上升，或壯熱驚搐，面色紅，脈有力，脾胃無傷，宜瀉肝火。」

當歸 柴胡 橘紅 枳殼炒 天麻各六分 白茯苓 川芎
白芍藥炒，各八分 甘草

黃連酒炒，各四分 薄荷三分

右每服二錢，薑水煎服。

薛己曰：「愚按前證若肝經風熱而自病，宜用本方。若肝經血燥而自病，宜用六味丸。若肝木剋脾土，宜用四君子湯加升麻、柴胡。若肺金剋肝木，宜用瀉白散。若腎水不能生肝木，宜用六味丸。若愈後驚悸不寐，或寐中發搐咬牙，宜用歸脾湯加茯苓、五味。」蓋有餘者邪氣實也，不足者真氣虛也。凡病有餘，當認為不足。《經》云：「邪之所湊。其氣必虛。」

又又

治「小兒脾經不足，土敗木侮，目睛微動，四肢微搐，或潮熱往來，脾胃有傷，飲食少進，或泄瀉嘔吐，面色黃，無脈力，宜補脾胃。」

白朮一錢三分 黃芪蜜炙 川芎 當歸酒洗 陳皮 人參
肉蔻煨 神麴 乾葛各五分 白芍一錢，酒炒 黃連 甘
草炙，各四分 半夏 白茯苓各七分

右薑水煎服

薛己曰：「愚按前證，若因脾胃虛弱，用五味異功散補之。虛寒者加木香，或再加炮薑溫之。若因脾氣下陷，用補中益氣湯舉之。作渴者，用七味白朮散主之。若因脾胃虛弱，寒水侮土，用六君子加木香、炮薑溫之。若因脾胃虛弱，肝木侮土，用補中益氣湯加苓、芍、半夏調之。若因肝木太過，脾土受制，用小柴胡湯加炒山梔平之；若因傷魚肉等物，用六君子湯更加山楂、砂仁消之；若因傷生冷腹痛，或瀉利清白，宜六君子湯加砂仁、木香、炮薑溫之；若因傷辛熱停滯，嘔吐酸水，或大便清利不快，用六君子湯加黃連、吳茱萸、木香和之；若因積去而泄瀉不止，用四君子湯加肉豆蔻、補骨脂、木香、煨薑以補脾腎；若泄」瀉止而飲食少思。宜用「白朮散」以補脾胃。

又又

治小兒心血虛，睡中驚動不安，或受驚嚇而作，主清心安神降痰。

人參 半夏湯泡 酸棗仁炒 茯神各一錢。當歸酒洗
橘紅 赤芍各七分。 五味五粒。杵炙草三分。

右，水煎，入薑汁、竹瀝少許，入牛黃半分尤妙。若溫煖月心經多熱，加生地黃、山梔仁各五分，麥門冬

七分，淡竹葉。

若方飲食因驚而停滯者，須先消飲食，然後治驚。驚藥內仍加白朮、麥芽，以理脾胃。蓋「驚則氣散，宜收補其氣；驚則痰聚，宜消化其痰。」

薛己曰：「愚按前證若心血不足，而心神驚悸者，宜用本方。若木火太過，而心神不寧者，宜用導赤散。若木火翕合，風熱相搏而病者，用柴胡梔子散。若肝心虛弱，木火未濟而病者，用六味丸。若因脾胃食鬱生痰，驚動不安者，宜用四君子湯以健脾，神麴、半夏、麥芽以化痰，山梔、芍藥以清熱。若因飲食停滯，肚腹膨脹」，或嘔吐泄瀉。宜用六君子湯。以健

脾用厚朴神麴以消食。如有痰搐驚證，仍用本方調治。如見肝經之證，加釣藤鉤。方內赤芍藥易以白芍藥。

安神鎮驚丸安神鎮驚丸

驚退後調理。安心神。養血和平。預防之劑。

天竺黃另研 人參 茯神 南星薑製，各五錢 酸棗仁炒
麥門冬 當歸酒洗 生地黃酒洗 赤芍藥炒，各三錢 薄
荷 木通 黃連薑汁炒 山梔炒 辰砂 牛黃俱另研 龍
骨煨，各二錢 青黛一錢，另研

右為末，蜜丸菉豆大，淡薑湯送下，每服三五丸。薛己曰：「愚按前方根本之治，防微杜漸之法也。但內多苦寒辛散分利之味，病後不宜輕用，恐復傷胃氣而

變生他證也。若飲食停滯而見他證，當消導為主。若脾胃損傷而見他證，當健中氣。大凡病後元氣未復，或因剋伐之劑，元氣復傷而見前證，但用升補陽氣為「主。諸證自愈。若專攻其病。則誤矣。

地黃丸 嬰童百問下同 地黃丸〈嬰童百問下同〉

王肯堂曰：「治小兒肝經虛熱血燥，或風客淫氣，而患癩 結核；或四肢發搐，眼目抽動，痰涎上湧。又治腎疳腦熱，肢體消瘦，手足如冰，寒熱往來，滑泄肚脹，口臭乾渴，齒齦潰爛，爪黑面黧；或遍身兩耳生瘡，或耳內出水，或發熱自汗，盜汗便血，諸血失音等證，其功不能盡述。」

熟地黃、 山茱萸、 乾山藥各四錢， 澤瀉。

牡丹皮 白茯苓去皮，各三錢

右為末，煉蜜丸如桐子大，空心溫水化下三十丸。王肯堂曰：「八味地黃丸，即六味地黃丸加附子、肉桂各一兩。治稟賦命門火衰，不能生土，以致脾土虛寒，或飲食少思，或食而不化，臍腹疼痛，夜多漩溺等證。《經》云：『益火之原，以消陰翳，蓋謂此也。或乳母命門火衰，兒飲其乳致前證者，子母並服之』。」又曰：「加減八味丸，即地黃丸加肉桂一兩，五味子四兩，治稟賦腎陰不足，或吐瀉久病，津液虧損，口乾作渴，或口舌生瘡，兩足發熱，或痰氣上湧，或手足厥冷等證。」

嚏關散嚏關散

治急驚慢驚。昏迷不省。

生半夏一錢， 《皂角》半錢。

右為末，用一豆許，用管子吹入鼻，立醒。

開關如聖散開關如聖散

赤蜈蚣一條中分為兩片，各用蔥汁浸一宿，焙乾 全蠍一箇，亦中分為兩片，各記左右分兩處。

右各為末，左眼翻，左手搖，以左藥末吹入左鼻孔；
「右眼翻，右手搖」，以右藥末吹入右鼻孔。「雙眼翻，雙手搖」，兼之。

省風湯省風湯

治「驚風口噤，筋脈攣急，抽掣疼痛，風盛痰實，旋暈僵仆，頭目眩，胸膈煩滿，恍惚不定，神志昏憤。」

天南星生用 防風去蘆，各四兩 生甘草

《半夏》米泔浸一宿 黃芩去粗皮，各一兩

右咬咀，每服二錢，生薑一片煎，去滓，不拘時服。

珍珠丸珍珠丸

治小兒急驚風，涎潮壯熱，痰氣上壅。

白附子、 滑石、 輕粉各一錢， 全蠍半錢。

巴豆十五粒，去油。

右為末，糊丸如「小豆大，三歲一丸二丸，蔥湯下。」

七寶洗心散七寶洗心散

白朮土炒，一錢半 甘草炙 當歸 荊芥穗 麻黃 芍藥
大黃麵裹煨，去麵切焙，各六錢 前胡 生地各四錢 薄荷少許

右為末，每服一錢，水一盞，入生薑一片煎服。

寬熱散寬熱散

枳殼以水潤之，以巴豆四十九粒同炒，去巴豆 大黃各一兩 硝 生甘草各半兩

右為末，以瓶器收之。每服一字，薄荷湯調下。

天麻防風丸天麻防風丸

治小兒驚風，身熱喘麤，多睡驚悸，手足搐搦，精神昏憤。

天麻、 防風、 人參、 辰砂、 雄黃、 麝香。

炙甘草各一分， 全蠍、炒 殭蠶各半兩，炒

「牛黃」一字。

右為末，煉蜜為丸，如桐子大，每服一丸，薄荷湯下。一方有膽星，無麝香。

龍齒散龍齒散

龍齒 蟬蛻 釣藤 羌活 茯苓 人參各等分。

右為末，每服半錢，薄荷湯下。

防風通聖散防風通聖散

「白朮、 荊芥穗、 梔子各二錢半 川芎、 當歸、 薄荷、 綿紋大黃、 芍藥、 麻黃、 防風、 連翹 礞石」各半兩， 細紋石膏、 黃芩、 桔梗各一兩 滑石六兩， 生甘草二兩

右剉，每服二錢，水一盞，薑二片，煎七分，去滓服。

大連翹湯大連翹湯

治瘡疹壯熱，小便不通，諸般瘡癤丹毒臍風。

連翹 瞿麥 荊芥 木通 赤芍藥 當歸 防風 柴胡
滑石 蟬蛻 甘草炒，各一錢 山梔仁 黃芩各半錢

右剉，每服一錢，加紫草煎，溫服。

熱甚加大黃。更詳證加減為佳。

琥珀散琥珀散

治小兒急慢驚風，涎潮昏冒，目瞪搐搦，驚弔肚疼，及和順痘瘡，小可驚哭，眠臥不安，入口立效，驚癇時攻，發作常服，永除病根。

辰砂一錢半。 琥珀 牛黃 天麻 殭蠶炒 全蠍《去毒》 白附子 乳香 蟬蛻各一錢。

麝半錢 代赭石煨，酢淬七次，一錢 片腦一字 膽星一字

共為末，三歲一錢，薄荷湯下。

慢驚加附子一分

調氣散調氣散

小兒慢驚之後，以此調之。

木香、 香附、 人參、 橘皮、 藿香、 炙草各一錢。

右薑棗煎服

桂枝湯桂枝湯

治「太陽中風，陽浮而陰弱。陽浮者熱自發，陰弱者汗自出，翕翕惡寒，翕翕發熱，鼻鳴乾嘔者。」

桂枝去皮 芍藥 生薑各一兩半 生甘草一兩

右剉，每服三錢，棗二箇，水一盞，煎八分服。須臾啜粥一盞，以助藥力，溫覆令一時許，通身熱，微汗出為佳。

桂枝自西北二方，居人四時行之，無不應驗。江淮唯冬及春可行之。自春末及夏至已前，桂枝證可加知母、石膏各半兩，或加升麻一分。若病人素虛寒者，正用古方。

葛根湯葛根湯

治「太陽病項強几几，惡風無汗，不惡寒，剛瘕。」

《葛根四兩， 麻黃三錢， 桂一兩， 生甘草》

芍藥各二兩。

右剉，每服五錢，水一盞半，生薑五片，棗二箇，煎一盞服，取微汗。

蟬蠹散蟬蠹散

治方傳慢驚

全蠍七箇，去尾 蟬《退念》一箇， 炙草二錢半 南星一箇，炮

右為末，每服半錢，煎服。

一方：「入薑三片，棗二枚。」

神寶既濟丹神寶既濟丹

分陰陽，平冷熱。定吐瀉，豁痰涎。

硫黃、 礞硝俱鎔汁，再研。 五靈脂、 青皮。

陳皮 半夏麴炒，各等分

右為末，粟米糊丸麻子大，每服三丸，米飲送下。

來復丹來復丹

此藥「配類二氣，均調陰陽，奪天地沖和之氣，有水火既濟之功，補損扶虛，妙難盡述。」

硝石「同硫黃，並為細末，微火略炒，用柳篋子不住手攪，令陰陽氣相入，不可火太過」 硫黃舶上透明 太陰元精石研飛，各一兩 五靈脂澄去砂石乾 青皮 陳皮各二兩

右用靈脂二皮為細末，次入元精石末及前二藥末拌勻，以好酢打和為丸，如豌豆大，每服三十粒，空心粥飲下，甚者五十粒，小兒三粒，新產嬰兒一粒小兒

慢驚風，或吐痢不止，變成虛風搖搦者，非風也，胃氣欲絕故也。用五粒喫下。

王氏惺惺散 王氏惺惺散

治小兒吐瀉，脾弱內虛生驚。

人參 茯苓 木香 天麻 白扁豆 陳皮炒 全蠍焙。

右為末，每服半錢，薑棗略煎服。

一方去陳皮用陳米

醒脾散 醒脾散

治「吐瀉脾困不食，痰作驚風。」

全蠍焙，半錢 白附子炮 天麻焙 甘草炙 人參 白茯苓 石菖蒲 木香 石蓮肉

白朮各一錢。

右剉，每服三錢，薑二片，棗一箇，水二小盞，煎服。有熱者，去木香，加殭蠶，或加南星、半夏、陳皮、炒米。

大醒脾散 大醒脾散

昏困者服之

南星 白伏苓 橘紅各一錢 全蠍焙 人參 甘草炙 白
附子炮 石蓮子 木香各半錢 陳倉米二百粒

右剉，每服三字，薑棗煎服。驅風醒脾，兩方通用。
亦可釀乳，小兒胃虛不消，乳食尤須節約。

星香散星香散

治慢驚風已傳，昏迷痰搐。

南星煨，二錢 木香、 人參、 橘紅各一錢

全蠍炙，三箇 《甘草》炙，半兩

右剉，每服一錢，入紫蘇薑棗濃煎，旋以匙送下。有
熱加防風。

定命飲定命飲

半夏、 茯苓、 木香、 生薑各一錢， 白朮

甘草炙 天麻各五分。

右為末，每服半錢，薑棗煎湯調下。

四聖散四聖散

治慢驚吹入鼻中

全蠍七箇， 殭蠶十四箇， 《天南星》七錢半。

川烏二錢。

右將南星為末，水調作餅，裹蠶蠟、川烏，外用「濕紙重包，慢火中煨令赤色，頓地上一伏時。每服一字，煎金銀湯，點好茶清少許調下。」

天南星丸天南星丸

天南星一斤，「每一箇重一兩上下者，用溫湯浸洗，刮去裡外浮皮，酒浸一宿，用桑柴蒸，不住添湯，令釜滿，甑內氣溢，更不住灑酒，常令藥潤，七伏時滿」取出，用銅刀切開一箇大者，嚼少許，不麻舌為熟，未即再炊，以熟為度，然後用銅刀切細，焙乾 麝香研

丁香 辰砂另研，水飛，各一兩 龍腦研，兩半

右為末，煉蜜并酒丸，「硃砂」為衣，薑湯下一豆許。

靈脂丸靈脂丸

五靈脂 白附子焙 木香 直殭蠶炒，各一分 全蠍焙，去毒 大南星濕紙包火內煨，各半錢 硃砂一錢

右為末，米酢煮生半夏糊丸麻子大，薑湯下三丸。

七珍丸七珍丸

治頑痰壅盛

細辛 川靈脂 直殭蠶一錢半 白附子一錢 硃砂半錢
全蠍四箇，焙

右為末，大南星煮糊為丸，麻子大，薑湯下，每五丸。

四君子湯四君子湯

治「榮衛氣虛。臟腑怯弱。」

人參去蘆 茯苓去皮 生甘草 白朮各等分

川烏散川烏散

祛風回陽

生川烏一錢， 全蠍、 木香各半分。

右末，每服三字，薑三片，煎取其半，旋滴入口中。
嘔吐，加丁香。

金液丹金液丹

治「吐利日久，脾胃虛損，手足厥逆，精神昏睡，寒多露睛，口鼻氣冷，欲成慢驚風」者。

舶上硫黃十兩，先飛揀去砂石稱，研為細末，入罐內，再入赤石脂封縫，鹽泥固濟，炭火煨三晝夜，取出候冷用。

右以柳木槌研為細末，每服二錢，生薑湯下。

生附四君子湯生附四君子湯

助胃回陽

即前四君子湯加附子末四分之一。厥冷者對加。

每服半錢，水煎，以匙送下。

蠍附散蠍附散

治慢脾風，回陽氣，豁風痰。

全蠍一箇 附子炮，二錢 南星炮 白附子炮 木香各一錢

右為末，每服半錢，薑三片煎服。

白殭蠶丸白殭蠶丸

方傳慢脾，陽氣未甚脫者可用，亦能截風。

膽星二錢。 直殭蠶炒， 五靈脂 地龍乾。

全蠍焙，各一錢

右為末，水煮生半夏糊丸「麻子大」，每五丸，薑湯下。

七寶妙砂丹七寶妙砂丹

治風痰奇效。慢驚慢脾，通以辰砂為主，木香佐之。

《開元通寶》錢，皆背後上下有兩月片者，其色淡黑頗小。諸錢以一箇放鐵匙于炭火內燒，少頃，四圍上下各出黃白珠子，將出候冷，傾入盞中。

右作一服，南木香湯送下，人參湯尤妙。

防風丹防風丹

治風熱痰壅，大便不通。

羌活 防風 枳實 川芎 大黃濕紙裏煨 甘草炒，各一錢半

右剉，每服三字，薑棗煎服。

一方或加赤芍藥

枳殼散枳殼散

治小兒疳氣，腹脹喘急。

枳殼一兩，麩炒 巴豆二十一粒，同上炒黃，去之

右為末，三歲小兒半錢，沙糖湯調下。

蘆薈散蘆薈散

治驚風痰盛發搐

全蠍五箇，焙 巴霜一字 輕粉半錢 蘆薈 南星炮 硃砂各一錢 冰片 麝香各一字 鬱金一分 皂角水煮焙

右為末，每服一字，煎金銀薄荷湯調下。

牛黃涼膈丸牛黃涼膈丸

治熱盛涎潮

牙硝、 寒水石、煨 石膏、 生甘草各半兩， 膽星二錢半， 紫石英一錢， 牛黃、 片腦

麝香各半分。

右為末，甘草膏丸菉豆大，每服一丸，橘皮湯調下。

青金丹青金丹

疏風利痰

蘆薈、 牙硝、 青黛各一錢， 史君子、 硼砂、 輕粉各半錢， 蠍梢十四箇。

右為末，香墨水丸「麻子大」，每服一丸，薄荷湯下。

王監京墨丸王監京墨丸

治痰熱驚積。楚州王監賣此藥著名者。

青黛、 史君子、炒熟 蘆薈、 膽星各二錢。

川墨二錢， 膩粉、 麝香半錢， 《冰片》一字。

右為末，飛麵糊丸，桐子大，每服一丸，薄荷湯調下。

揭風湯揭風湯

治利下痰熱

青黛、 蘆薈、 全蠍各一分， 硃砂一錢半。

南星半兩，為末，調作餅，包裹前三項，煨令赤色 牙硝輕粉各三字

右為末，每服一字，煎金銀薄荷湯調下。

靈脂硃砂膏靈脂硃砂膏

治驚風痰盛

硃砂、 牙硝、 靈脂、 蘆薈各一錢， 麝香

冰片各一字。

右末，甘草膏丸菉豆大，金箔為衣，薄荷湯下一丸。

柴胡加大黃湯柴胡加大黃湯

柴胡一兩 黃芩炙， 人參 半夏如法製。

生薑各三錢半 甘草炒，一錢半 大黃少許

右剉散，每服一錢，入棗煎服。

生氣散生氣散

治諸風疏利，以此調氣。

丁香七分半， 白朮、 青皮、 甘草、炙 木香、 人參各二錢。

右為末，每服半錢，沸湯點服。

茯苓二陳湯茯苓二陳湯

和胃氣化痰涎

半夏五錢， 陳皮二錢五分， 白茯苓四錢。

生甘草一錢半。

右剉，每服三錢，薑三片，煎服。

天麻蘇合香丸天麻蘇合香丸

天麻、 防風、 人參、 辰砂、 雄黃、 麝香。

甘草炙，各一分 全蠍炒 僵蠶炒，各半兩

牛黃少許 南星一錢， 蘇合油一盞。

右為末，煉蜜丸如桐子大。每服一丸，薄荷湯下。

參苓白朮散參苓白朮散

扁豆炒 人參、 茯苓、 白朮土炒 炙草。

乾山藥各二錢。 米仁、 縮砂仁、 白蓮肉

桔梗各一錢， 天麻、 藿香各五分。

右為末，每二錢棗湯下。

鎮心丸鎮心丸

硃砂、 龍齒、 牛黃各一錢， 麩粉、 琥珀

人參 茯苓 防風各二錢 全蠍七箇，焙

右為末，煉蜜為丸，如桐子大，每服一丸，薄荷湯下。

星蘇散星蘇散

治諸風口噤不語

天南星略炮剉散。每服一錢。

右，薑四片，紫蘇五葉，煎取其半，卻入雄豬膽少許，溫和服。凡不語者，大小便須要疏導。治慢風不

語，只用南星，以人參、石菖蒲為佐。

五癩丸五癩丸

治食癩

硃砂水飛，半兩 水銀二錢半 雄黃一兩

真珠一兩，細研。

右為末，煉蜜為丸麻子大，每服二丸，金銀湯送下。

薄荷散薄荷散

薄荷葉半兩 羌活 全蠍 生甘草 麻黃 殭蠶炒，去絲
嘴 天竺黃 白附子各一錢半

右為末薄荷湯下

熱極生風。加竹瀝少許與服。

一方有柴胡、台芎、桔梗、茯苓，無全蠍、殭蠶、天竺黃、白附子。

養生必用蛇黃丸養生必用蛇黃丸

蛇黃一枚，煨酢淬 礞石 辰砂 雄黃各二錢 鐵鐸粉四錢，研極細

右為末，蜜為丸，用金銀煎湯，五歲已上吞下，幼小化下，如麻子大丸。

散風散散風散

治風癩先用此

牛膽南星一錢，羌活、獨活、防風、天麻、人參、荊芥、川芎、細辛各一錢。

右為末，煉蜜為丸，桐子大，每服二丸，薄荷紫蘇湯調下。

日應丹日應丹

治顛癩連年不瘥

黑錫 硫黃 水銀 鐵粉，研，各半兩

金銀箔、三十片。

右「水銀、鐵粉、金銀箔夾和一處，先將黑錫於鉢內鎔開，次入硫黃，不住手就鉢內碎攪，候硫黃煙氣欲息，次入餘藥，就火上同攪，少頃時，傾出地上一宿，出火毒，再研細，粳米飯丸麻子大，硃砂為衣。每服三丸，食後人參湯下。」

全蠍五癩丸全蠍五癩丸

治小兒五癩

赤蜈蚣一條，去頭足，酒浸炙 南星炮，二錢半 麝香一字 全蠍 防風 硃砂 遠志薑製 白附 蘆薈 延胡索 各一錢 金銀箔三十片

右為末，入麝糕糊丸，桐子大，每服一丸，菖蒲紫蘇湯調下。

星硃散星硃散

定癇利痰

南星濕紙裹，炮香熟，一兩 硃砂一錢

右為末，帶性豬心血為丸，桐子大，每服一丸，防風湯調下。

開牙散開牙散

細辛、 天南星、 硝各一錢， 麝香五分， 蠍梢七箇。

右為末，以少許用烏梅肉揉和擦牙，兼用細辛、皂角、荊芥末吹入鼻中。治諸風搖擗驚癇用此。

青龍丸青龍丸

治驚積有熱

青黛 茯苓 蘆薈 南星炮，各一錢 輕粉 麝香 巴霜 各一字 全蠍焙，三錢

右先將巴豆研如泥，吹入諸藥，研極細，丸如梧桐子大，硃砂為衣，每服一丸，薄荷湯下。

至寶丹至寶丹

治諸癩急驚，心熱卒中客忤，不得眠睡，煩躁風涎搐搦，及傷寒狂語，伏熱嘔吐，並宜治之。

安息香兩半末，以酒濾去沙，取一兩，慢火熬成膏。生犀角屑 生玳瑁屑 真琥珀研細水飛

雄黃研細水飛，各一兩 金箔五十片半，為衣 銀箔五十片， 片腦研 麝香各一錢，研細

牛黃半兩，研

右生犀、玳瑁屑搗羅為細末，研入諸藥令勻，將「安息香膏以重湯煮化，和搗為劑，如乾即入少熟蜜，盛磁器內旋丸如桐子大。二歲兒服二丸，人參湯化下，大小以意加減。」又治大人卒中不語，中惡氣，中諸物毒，中熱暗風，產後血暈，死胎不下，並用童子小便一合，生薑自然汁三五滴，同溫過化下五丸，立效。

神妙奪命丹神妙奪命丹

取七月青蒿節內蟲。

右入硃砂、麝香為丸，加片腦。

防風導赤散防風導赤散

治小兒初驚

生地黃 木通去節 防風 生甘草各等分

右剉散，每服三錢，水一盞，竹葉少許同煎。

有熱加黃芩、赤芍藥、羌活。

蟬蛻釣藤飲蟬蛻釣藤飲

治肚疼驚啼

釣藤、 天麻、 茯苓、 川芎、 白芍藥各二錢， 生甘草、 蟬蛻各一錢。

右剉散燈心煎

《一方》「加木通、麥門冬、防風、羌活。」

寬熱飲寬熱飲

石膏、 黃芩、 生甘草、 赤芍、 葛根各二錢半， 麻黃、 柴胡各半兩。

右剉散，三歲兒每服二錢，水一小盞，生薑少許，蔥白三寸，豉一撮

七寶洗心散七寶洗心散

治小兒煩熱生瘡，兼治驚風。

生地黃、 荊芥穗、 防風、 生甘草、 黃芩。

羌活、 赤芍藥各等分

右為末，入辰砂減半，加當歸尤妙。每服一錢，燈心薄荷湯下，空心食前服。

安神丸安神丸

人參、 茯神、 麥門冬、 山藥各二錢， 龍腦、 龍齒各一錢， 寒水石、 生甘草、 硃砂各五分， 金箔二片。

右為末，煉蜜為丸，如芡實大，每服一錢，燈心湯下。

釣藤膏釣藤膏

治小兒腹中極痛，乾啼後軀，名「盤腸內釣。」

乳香 沒藥 木香俱另研。 薑黃各一錢。

木 子去油，三箇。

右為末，蜜丸芡實大，釣藤湯磨半丸入蜜服。先用此藥定痛，後服《魏香散》。

魏香散魏香散

蓬朮五錢。 阿魏二錢。

右先將溫酒化阿魏，浸蓬朮一晝夜，焙乾為末，紫蘇米飲調下。

釣藤飲釣藤飲

治小兒夜啼，乃臟冷也。陰盛於夜則冷動，冷動則為陰極發躁，寒盛作疼，所以夜啼不歇也，釣藤飲主之。

釣藤鉤 茯神 茯苓 川芎 當歸 木香 生甘草 白芍
藥各一錢。

右為末，每服一錢，薑棗略煎服。

其或心熱而煩啼，必有臉紅舌白，小便赤澀之證，釣藤飲去木香，加硃砂末一錢，研和，每服一錢，木通湯調下，或剉散煎服亦可。

治驚啼。加蟬退防風天麻。

保命丸保命丸

治「小兒胎驚內釣，腹肚緊硬，眠睡不安，夜多啼哭，及治急驚慢風，眼目上視，手足抽掣，不省人事，悉皆主之。冷證用此。」

全蠍十四箇，去毒 防風 殭蠶炒，去絲嘴

天麻各二錢， 南星、炮 白附子、 麝香五分， 金箔十片， 蟬蛻、 硃砂各一錢。

右為末，粳米糊丸，每兩作四十九。常服鎮心安神化痰，除一切驚風諸證，湯臨時換。

一方加人參、白茯苓二錢。

一方加琥珀二錢

有熱證加牛黃、片腦、硼砂。

乳香丸乳香丸

治驚風內釣。腹疼驚啼。

乳香半錢， 沒藥、 沉香各一錢， 《蠟梢十四箇，雞心檳榔》一錢半。

右為末，煉蜜為丸，如桐子大，每服二丸，菖蒲釣藤湯下。

木香丸木香丸

乳香、 沒藥、 全蠍各半錢， 釣藤、 舶上茴香、 木香各一錢。

右先將乳香、沒藥另研，次入諸藥末和畢，取大蒜少許，研細和丸，桐子大，每服二丸，釣藤湯下。

小續命湯小續命湯

治「中風不省人事。涎鳴反張。失音厥冷。」

麻黃 人參 黃芩 川芎 白芍藥 杏仁 防己 肉桂
生甘草各半兩 防風七錢半 附子炮，二錢半

右除附子、杏仁在外，俱為粗末，入杏、附夾和。每服三錢，薑三片，棗一枚，煎服。

有熱去附子官桂減半。《經》云。「諸暴強直。皆屬於風。」故收此方。非的風證勿用。

桂枝加葛根湯桂枝加葛根湯

治「頭疼項背強。兀兀汗出惡風者。」

桂枝、芍藥、生甘草各六錢，葛根《一兩三錢》。

右剉散，每服三錢，生薑棗子煎服。

人參敗毒散人參敗毒散

治「傷風瘟疫風濕，頭目昏眩，四肢疼痛，增寒壯熱，項強目睛疼，尋常風眩拘倦，風痰及寒壅咳嗽，鼻塞聲重並治之。」

柴胡 前胡 川芎 枳殼炒 羌活 獨活 茯苓 桔梗
人參各一兩 甘草半兩

右為粗末，每服二錢，生薑、薄荷煎。

《一方》「加地骨皮、天麻。」

或剉散，加蟬蛻、防風。

治驚熱。可加芍藥。乾葛黃芩。

無汗加麻黃

小柴胡湯小柴胡湯

治「《傷寒》溫熱病，身熱惡風，頸項強急，胸脅滿痛，嘔吐，噦逆煩渴，寒熱往來，身面皆黃，小便不利，大便祕澀；或過經不解，或潮熱不除，及瘥後勞復，發熱疼痛，煩熱，經血適來適斷，寒熱如瘧。」

人參 甘草炙 黃芩各三錢 柴胡八錢半夏湯泡七次，焙乾，二錢半

右剉散，每服二錢，水一盞，生薑三片，棗一枚煎，去滓溫服，不拘時。

王肯堂曰：「小柴胡湯加山梔、牡丹皮，名加味小柴胡。治肝膽經風熱，瘰 寒熱往來，日晡發熱，潮熱身熱，不欲飲食，或怒火口苦，耳聾咳嗽，或脅痛胸滿，小便不利，或泄瀉吐酸苦水，或肢體搖動，脣目抽劓，並宜用之。」

大承氣湯大承氣湯

治剛痊。胸滿內實。口噤咬牙。大熱發渴。大便秘。

大黃， 礞硝各半兩 厚朴， 枳實各一兩

右剉散，每服三錢，薑三片，水一盞，煎半盞，溫服。

大柴胡湯大柴胡湯

治「傷寒十餘日，邪氣結在裡，往來寒熱，大便閉澀，腹滿脹痛，譫語，心中痞硬，飲食不下，或不大便五六日，繞臍刺痛，時發煩躁，及汗後如瘧，日晚發熱，兼臟腑實，脈有力者可服。」

柴胡去蘆，八錢 黃芩炒 赤芍藥各三錢

半夏泡焙，一錢半 「枳實去穰麩炒，半錢」

右剉散，薑棗煎，加減服之。

欲下加川大黃三錢



本作品在全世界都属于**公有领域**，因为作者逝世已经超过100年，并且于1930年1月1日之前出版。



本作品原文沒有標點。標點是人工智能程序[古詩文斷句 v2.1](#)創建，並且經由維基文庫用戶編輯改善的。本站用戶之編輯以[知識共享 署名-相同方式共享 4.0协议 \(CC BY-SA 4.0\)](#) 發佈。



歡迎各位持續修正標點，請勿複製與本站[版權協議](#)不兼容的標點創作。

About this digital edition

This e-book comes from the online library [Wikisource](#)^[1]. This multilingual digital library, built by volunteers, is committed to developing a free accessible collection of publications of every kind: novels, poems, magazines, letters...

We distribute our books for free, starting from works not copyrighted or published under a free license. You are free to use our e-books for any purpose (including commercial exploitation), under the terms of the [Creative Commons Attribution-ShareAlike 3.0 Unported](#)^[2] license or, at your choice, those of the [GNU FDL](#)^[3].

Wikisource is constantly looking for new members. During the realization of this book, it's possible that we made some errors. You can report them at [this page](#)^[4].

The following users contributed to this book:

- Kwj2772
- Jdx
- Rocket000
- Santoposmoderno
- HereToHelp
- Victormoz

- Srittau
- Boris23
- KABALINI
- Bromskloss
- Tene~commonswiki
- AzaToth
- Bender235
- PatríciaR
- Dbenbenn

-
1. [↑ https://wikisource.org](https://wikisource.org)
 2. [↑ https://www.creativecommons.org/licenses/by-sa/3.0](https://www.creativecommons.org/licenses/by-sa/3.0)
 3. [↑ https://www.gnu.org/copyleft/fdl.html](https://www.gnu.org/copyleft/fdl.html)
 4. [↑ https://wikisource.org/wiki/Wikisource:Scriptorium](https://wikisource.org/wiki/Wikisource:Scriptorium)